

盧 全 集
李 尚 書 詩 集

附李氏
事蹟





中國書目
全書
卷之四

盧

仝

集

盧仝著

中華書局

叢書集成初編

盧 仝 集（及其他一種）

中 華 書 局 出 版 發 行

（北京王府井大街三十六號）

秦 皇 島 市 資 料 印 刷 廠 印 刷

一 九 八 五 年 北 京 新 一 版

開 本：七 八 七 乘 一 〇 九 二 毫 米 三 十 二 分 之 一

統 一 書 號：一 七 〇 一 八 · 一 五 一

盧全集

此據畿輔叢書本
排印初編各叢書
僅有此本

盧仝集卷一

唐 范陽盧仝著

月蝕詩

新天子卽位五年歲次庚寅斗柄插子律調黃鐘森森萬木夜殭立寒氣最厲一作風頑無風爛銀盤從海底出出來照我草屋東天色紺滑凝不流冰光交貫寒臙臙初疑白蓮花浮出龍王宮八月十五夜比並不可雙此時怪事發有物吞食來中一本有輪二字輪如壯士斧斫壞桂似雪山風拉摧百鍊鏡照見臙平地埋寒灰火龍珠飛出腦卻入蚌蛤胎摧環一作摧輪破壁眼看盡當天一搭如煤始磨蹤滅跡須臾間便似萬古不可開不料至神物有此大狼狽星如撒沙出爭頭事光大奴婢炷暗燈一作燈看揜切焚如玳瑁今夜吐餞長如一作長虹孔隙千道射戶外玉川子涕泗下中庭獨自行念此日月者太陰太陽精皇天要識物日月乃化生走天汲汲勞四體與天作眼行光明此眼不自保天公行道何由行吾見陰陽家有說望日蝕月月光滅朔月掩日日光缺兩眼不相攻此說吾不容又孔子師老子云五色令人目盲吾恐天似人好色卽一作喪明幸且非春時一作晴萬物不嬌榮青山破瓦色綠水冰崢嶸花枯無女豔鳥死沈歌聲一作阿誰作頑多何所好偏使一目盲一作傳又聞古老說蝕月蝦蟆精徑圓千里入汝腹汝如一作此癡骸何生可從海窟來便解綠青冥恐是睚眦間揜一作塞所化成黃帝有二目帝舜重瞳明二帝懸四目四

海生光輝。吾不遇二帝。混漭不可知。何故腫子上。坐受一作蟲豸欺。長嗟白兔搗靈藥。恰似有意防姦非。
藥成滿臼不中度。委任白兔夫何爲。憶昔堯爲天。十日燒九州。金燄水銀流。玉燭音妙一作燭一丹砂。焦六合。烘
爲窯音造一作窯。堯心增百憂。帝天一作見堯心憂。勃然發怒決洪流。立擬沃殺九日妖。天高日走沃不及。但見
萬國赤子。鱗鱗一作生魚頭。此時九御導九日。爭持節幡麾幢旒。駕車六九五十四。頭蛟螭虬。掣電九火
轉。汝若蝕開齋。齋一作輪御一作轡。執索相爬鉤。推蕩蠹匄一作入汝喉。紅鱗鯨鳥燒口快。翎鬣倒側聲
醜。鄒擣腸拄肚。礪傀一作如山邱。自可飽死更不偷。不獨填飢坑。亦解堯心憂。恨汝時一本無當食一作藏一作
埋頭擣腦不肯食。不當食。張唇哆嘴食不休。食天之眼養逆命。安得上天一作帝。請汝割。嗚呼。人養虎。被虎
齧。天媚蟆。被蟆瞎一作天昏奪得瞎疾。乃知恩非類。一一自作孽。吾見患眼人。必索良工訣。孫注訣當作抉想天
不異人。愛眼固應一。安得常娥氏。來習扁鵲術。手操春喉戈。去此睛上物。其初一作猶朦朧。既久如一作
抹漆。但恐功業成。便此不吐出。玉川子又涕泗下。心禱再拜額一作揚。砂土中。地上蟻虱臣。全告愬。帝天
皇。臣心有鐵一寸。可剗妖蟆癢腸。上一作天。不爲臣立梯磴。臣血肉身無由飛上天。揚天光。封詞付與小
心風。一作先封辭排闥闔。入紫宮。密邇玉几前。孽壖奏上臣。全頑慙胸。敢死橫干天。代天謀其長。
千天一作效死橫。東方蒼龍角。插戟尾押風。當心開明堂。統領三百六十鱗蟲。坐理一作東方宮。月蝕不救援。
安用東本龍。南方火鳥赤潑血。項長尾短飛跋躓。一作頭戴井一作冠高遠一作。枿月蝕鳥宮十三一作。
度鳥爲居停主人。不覺察。貪向何人家。行赤口毒舌。毒蟲頭上喫。卻月不啄殺。虛眨鬼眼明一作。突窺一作。

血鳥罪不可雪。西方擢虎立踣蹄。音斧爲牙。鑿爲齒。儻犧牲。食封豕。大蟆一樹。固當賴美。見似不見。是何道理。爪牙根天不念天。天若准擬錯准擬。北方寒龜被地縛。藏頭入殼如入獄。她筋束緊束破殼。寒龜夏鼈一種味。且當以其肉充臚。死殼沒信處。一作且當臚其肉唯堪支牀腳。不堪一作鑽灼與天下字。卜歲星主福德。官爵奉董秦。忍使黔婁生。覆尸無衣巾。天失眼不弔。歲星胡其仁。焚惑鑿鑿翁。執法大不中。月明無罪過。不糺蝕月蝨。年年十月朝。太微支廬謫。罰何災凶。土星與土性相背。反養福德生禍害。到人頭上死破敗。今夜月蝕安可會。太白眞將軍。怒激鋒鋌生。恆州陣斬鄴定進。項骨脰甚春蔓菁。天唯兩眼失一眼。將軍何處行。天兵辰星任廷尉。天津自主持。人命在盆底。固應樂見天官時。天若不肯信。試喚皋陶鬼一問。一如今日。孫本作一問而今。○按四庫提要云。試喚皋陶鬼一問而今。三台文昌宮應以問字爲句之辭。乃以而今爲句。殊爲割裂。上天紀網。環天二十八宿。一本無宿字。磊磊尙書郎。整頓排班行。劍握他人將。一四太陽側。一四天市。一作帝。傍操斧代大匠。兩手不怕傷。弧矢引滿反射人。天狼呀啄明煌煌。癡牛與駭女。不肯勤農桑。徒勞含淫思。旦夕遙相望。蚩尤簸旗弄句朔。始槌天鼓鳴璫琅。枉矢能龍。蛇行。眊目森森張。天狗下舐地。血流何滂滂。譎險萬萬黨。架構一作構架何可當。昧一作目疊成就。害我光明王。請留北斗一星相北極。一作請留北極。指麾萬國懸中央。此外盡掃拂。一作除堆積砂如山岡。贖我父母光。當時常恆。星沒殞星。雨如迸一作漿。似天會事發。叱喝誅奸強。一作狂何故中道廢。自遺今日殃。善善又惡惡。郭公所以亡。願天神聖心。無信他人忠。玉川子詞訖。風色緊格格。近月黑暗邊。有似動劍戟。須臾癡蟆精。兩吻自決坼。初露半箇壁。漸吐滿輪。

魄衆星盡原赦。一螻獨誅磔。腹肚忽脫落。依舊挂穹碧。光彩未蘇來。慘澹一片白。奈何萬里光。受此吞吐厄。再得見天眼。感荷天地力。或問玉川子。孔子修春秋。二百四十年。月蝕盡不收。今子咄咄詞。願一作合孔意不。玉川子笑笑。或請聽逗留。孔子父母魯。諱魯不諱周。書外書大惡。故月蝕不見收。予命唐天口。食唐土。唐禮過三。唐樂過五。小猶不說。大不可數。災沴無有。小大瘡。安得一本無得字。引衰周。研覈其一本無其字。可否。日分晝月分夜。辨寒暑。一主刑。二主德。政乃舉。孰爲一作人面上。一目偏可去。願天完兩目。照下萬方土。萬古更不替。萬萬古更不替。照萬古。孫本作照下萬方土。更不替萬萬古。少八字。

哭玉碑子

山有洞左頰。拾得玉碑子。其長一周尺。其闊一藥匕。顏色九秋天。稜角四面起。輕敲吐寒流。清悲動神鬼。稽首置手中。只似一片水。至文反無文。上帝應有以。予疑仙石靈。願以仙人比。心期香湯洗。歸送錄堂裏。頗奈窮相驢。行動如跛鼈。十里五里行。百蹶復千蹶。顏子不少天。玉碑中路折。橫文尋龜兆。直理任瓦裂。劈竹不可合。破環永離別。向人如有情。似痛滴無血。勘關平地下。罅坼多齧缺。百見百傷心。不堪再提挈。怪哉堅貞姿。忽一作脆不堅固。矧曰人間人。安能保常度。敢問生物成。敗爲有真素。爲真靈異氣。不得受穢污。驢罪真不厚。驢生亦錯誤。更將前前行。復恐山神怒。白雲蒼閉嶺。高松吟古墓。置此忍其傷。驅驢下山路。一作去。

觀放魚歌

常州賢刺史。從諫議大夫除。天地好生物。刺史性與天地俱。見山客狎魚鳥。坐山客北亭湖。命舟人駕舫。子漾漾蒹蒲。酒興引行處。正見漁人魚。刺史密會山客意。復念網羅嬰無辜。忽脫身上殷鮮袍。盡買罟獲。盡有無。鰕鱸鮎鱖。凝惡最頑愚。鱖魴見幽風。質幹稍高流。時白噴雪。鯉鱗。此豈肥腸爲絕尤。老鯉變化頗神異。三十六鱗如抹朱。水苞宏窟有蛟鼉。餌非龍餌唯無鱸。羣雜百千頭。性命懸須臾。天心應刺史。刺史盡活諸。一一投深泉。跳脫不復拘。得水競騰突。動作詭怪殊。或透囊而出。或破浪而趨。或掉尾子子。或奮鬣愉愉。或如鶯擲梭。一本缺三字或如她銜珠。四散漸不見。島嶼徒縈紆。鵝鵝鵝鵝。喜觀爭叫呼。小蝦亦相慶。繞岸搖其鬚。乃知貪生不獨頑癡夫。可憐百千命。變爲中腸菹。若養聖賢具。大烹龍髓敢惜乎。苦痛如今人。盡是魚食魚。族類恣飲噉。強力無親疏。明明刺史心。不欲與物相欺誣。岸蟲兩與命無意。殺此活彼用賊徒。亦憶清江使。橫遭乎余且。聖神七十鑽。不及泥中鱸。哀哉託非賢。五臟生冤讎。若當刺史時。聖物保不囚。不疑且不卜。二子安能諛。二子儻故諛。吾知心受誅。禮重一草木。易卦稱中孚。又曰釣不綱。又曰遠庖廚。一作改仁人用心。刺史盡合符。昔魯公觀棠距箴。遂被孔子貶而書。今刺史好生德。治民心。誰爲刺史一褒譽。刺史自上來。德風如草鋪。衣冠與廢禮。百姓減暴租。豪猾不豪猾。鯨鯢不鯨鯢。開古孟。濱三十里。四千頃。泥坑爲膏腴。刺史視之總若無。訟庭雀噪坐不得。湖上拔菱植芙蓉。勝業莊中二桑門。時時對坐談真如。因說十千天子事。福力當與刺史俱。天雨曼陀羅花深沒膝。四十千真珠璣珞堆高樓。此中一作事怪特不可會。但慕刺史仁有餘。刺史敕左右。兼小生。一本有字奴。慎勿背我沈毒鉤。念魚承奉刺。

史仁深僻處，遠遠遊。刺史官職小，教化未能敷。第一莫近人，惡人唯口腴。第一莫出境，四境多網罟。重傷刺史心，喪爾微賤軀。

示添丁

春風苦不仁，呼逐馬蹄行人家。慚愧瘴氣卻憐我，入我憔悴骨中爲生涯。一作強數日不食強強行，何忍索我抱看滿樹花。不知四體正困憊，泥人啼哭聲呀呀。忽來案上翻墨汁，塗抹詩書如老鴉。父憐母惜欄不得，卻生癡笑令人嗟。宿春連曉不成米，日高始進一椀茶。氣力龍鍾頭欲白，憑仗添丁莫惱爺。

寄男抱孫

別來三得書，書道遠離久。書處甚轟殺，且喜見汝手。殷十七又報汝文頗新有，別來纔經年，囊盎未合斗。當是汝母賢，日夕加訓誘。尚書當畢功，禮記速須剖。嘵嘵兒讀書，何異摧枯朽。尋義低作聲，便可養年壽。莫學村學生，蠱氣強叫吼。下學偷功夫，新宅鋤葵莠。乘涼勸奴婢，園裏搗葱韭。遠籬編榆棘，近眼栽桃柳。引水灌竹中，蒲池一作滿池種蓮藕。撈漉蛙蟬腳，莫遣生科斗。竹林吾最惜，新筍好看守。萬籊苞龍兒，攢迸盜一作墮。林藪吾眼恨不見，心腸痛如搦。宅錢都未還，債利日日厚。籊龍正稱冤，莫殺入汝口。丁甯囑託汝，汝活籊龍不。殷十七老儒，是汝父師友。傳讀有疑悞，輒告諮問取。兩手莫破拳，一吻莫飲酒。莫學捕鳩鷂，莫學打雞狗。小時無大傷，習性防已後。頑發苦惱人，汝母必不受。任汝惱弟妹，任汝惱姨舅。姨舅非吾親，弟妹多老醜。莫惱添丁郎，淚子作面垢。莫引添丁郎，赫赤日裏走。添丁郎小小，別吾來久久。脯脯不得喫，兄

兄莫撚搜。他日吾歸來。家人若彈紉。一百放一下。打汝九十九。

自詠三首

本集云。玉川子臨終旬月作此詩。蓋有曳杖起起之知也。

爲報玉川子。知君未是賢。低頭雖有地。仰面輒無天。骨肉清成瘦。蒿蔓老覺羶。家書與心事。相伴過流年。
盧子龍一作龍也。賢愚總莫驚。蚊蟬當家口。草石是親情。萬卷堆胸朽。三光撮眼明。翻悲廣成子。閑氣說長生。

物外無知己。人間一癡王。生涯身是夢。耽樂酒爲鄉。日月黏髭鬚。雲山鎖肺腸。愚公只公是。不用謾驚張。

送王儲詹事西遊獻兵書

一本分作三首

美酒撥醅酌。楊花飛盡時。落日長安道。方寸無人知。篋中制勝術。氣雄屈指筭。半醉千般勤。仰天一長歎。玉匣百鍊劍。龜文又龍吼。抽贈王將軍。勿使虛白首。

送邵兵曹歸江南

春風楊柳陌。連騎醉離觴。千里遠山碧。一條歸路長。花開愁北渚。雲去渡南湘。東望濛濛處。煙波是故鄉。

寄外兄魏澈

何處堪惆悵。情親不得親。與甯樓上月。辜負酒家春。

喜逢鄭三遊山

相逢之處花茸茸。石壁攢峰千萬重。他日期君何處好。寒流石上一株松。

卓女怨

妾本懷春女，春愁一作不自任。迷魂隨風客，嬌思入琴心。託援交情重，當壚酌意深。誰家有夫婿，作賦得黃金。

守歲二首

去年一作年去，留不住。年來也任他。當壚一榼酒，爭奈兩年何。

老來經節臘，樂事甚悠悠。不及兒童日，都盧不解愁。

新月事文類聚作
梁劉琨詩

仙宮雲箔卷，露出玉簾鉤。清光無所贈，相憶鳳皇樓。

解悶

人生都幾日，一半是離憂。但有尊中物，從他萬事休。

楊子津

風卷魚龍暗楚關，白波沈卻海門山。鵬騰鷺倒且快性，地坼天開總是閑。

人日立春

春度春歸無限春，今朝方始覺成人。從今一作尅一作已應猶及顏一作與梅花俱自新。

送尉遲羽之歸宜州

君歸乎。君歸與不孤。謝朓澄江今夜月。也應憶著此山夫。

悲新年

新年何事最堪悲。病客遙聽百舌兒。太歲只遊桃李徑。春風肯管歲寒枝。一作青風肯
換歲寒枝

憶酒寄劉侍郎

愛酒如偷蜜。情醒似見刀。君爲麴藥主。酒醴一作莫辭勞。

白鷺鷥

剗成片玉白鷺鷥。欲捉纖鱗心自急。翹足沙頭不得時。傍人不知鸛開立。

風中琴

五音六律十三徽。龍吟鶴響思庖羲。一彈流水一彈月。水月風生松樹枝。

感秋別怨

霜秋自斷魂。楚調怨離分。魄散瑤臺月。心隨巫峽雲。蛾眉誰共畫。風曲不同聞。莫似湘妃淚。斑斑點翠裙。

新蟬

泉溜潛幽咽。琴鳴乍往還。長風翦不斷。還在樹枝間。

題褚遂良孫庭竹

負霜停雪舊根枝。龍笙鳳管君莫截。春風一番琴上來。搖碎金尊碧天月。

訪含曦上人

三人寺。曦未來。轆轤無人一作無繩。井百尺。渴心歸去生塵埃。

客淮南病

揚州蒸毒似□湯。客病清枯鬢欲霜。且喜閉門無俗物。四肢安穩一張牀。

村醉

昨夜村飲醉一作村黃昏。歸健一作連。倒三四五。摩挲青莓苔。莫喚驚著汝。一作摩挲驚著汝。背喚我驚汝不。

蕭宅二三子贈答詩二十首并序

蕭才子修文行名聞。將遷家于洛。賣揚州宅。未售。玉川子客揚州。羈旅識蕭。遂館蕭未售之宅。既而蕭有事于歙州。玉川子欲歸洛。憶蕭遂與砌下二三子酬酢說相婉意。俄而二三子有憂宅售心。與其他人手執與洛客。以蕭故。亦有勉強不能逆其情。文以見意。遂盡錄寄蕭。天知地知。非苟有所欲。二三子心遠。訥君子。蕭乎蕭乎。君歸不得見者。細長三四片者乎。

客贈石

竹下青莎中。細長三四片。主人雖不歸。長見主人面。

石讓竹

自願撥一作不轉。何敢當主人。竹弟有清風。可以娛嘉賓。

竹答客一作竹答石

竹弟謝石兄。清風非所任。隨分有蕭瑟。實無堅重心。

石請客

竹弟雖讓客。不敢當客恩。自慙埋沒久。滿面蒼苔痕。

客答石

遍索天地間。彼此最癡癡。主人幸未來。與君爲莫逆。

石答竹

石報孤竹君。此客甚高調。共我相共癡。不怕主人天下笑。我非蛺蝶兒。我非桃李枝。不要兒女撲。不要春風吹。苦辭印我面。雨露皺我皮。此故不嫌我。突兀蒙相知。此客卽西歸。我心徒依依。我欲隨客去。累重不解飛。知弟虛心亦待客。此客何以共報之。

竹請客

我本泰山阿。避地到南國。主人欲移家。我亦要歸北。上客幸先歸。願託歸飛翼。唯將脩脩一作修修風。累路報恩德。

客謝竹

揚州駁雜地。不辨龍蜥當作蜥。客身正乾枯。行處無膏澤。太山道不遠。相庇實無力。君若隨我行。必有煎

茶厄。

石請客

啓母是諸母三十六峰是諸父。知君家近父母家。小人安得不懷土。憐君與我金石交。君歸可得共載否。小人無以報君恩。使君池亭風月古。

客謝石

我有水竹莊。甚近嵩之巔。是君歸休處。可以終天年。雖有提攜勞。不憂糧食錢。但恐主人心。疑我相□□。石再請客

主人若知我。應喜我結得君。主人不知我。我住何求于主人。我在天地間。自是一片物。可得枉壓我。使我頭不出。

客許石

石公說道理。句句出凡格。相知貴知心。豈恨主爲客。過須歸去來。旦晚上無厄。主人誠賢人。多應不相責。井請客

我生天地間。頗是往還數。已效炊爨勞。我亦不願住。君有造化力。在君一降顧。我願拔黃泉。輕舉隨君去。客謝井

改邑不改井。此是井卦辭。井公莫怪驚。說我成憨癡。我縱有神力。爭敢將公歸。揚州惡百姓。疑我卷地皮。